

胡文忠公遺集

胡文忠公遺集卷四十三

長沙鄭敦謹

湘鄉曾國荃編輯

請

優卹楊嘉運等片

咸豐六年十月初八

再湖北省歷年剿賊陣亡殉難各官紳因武漢屢次失守案卷被焚未經隨時查辦臣屢飭藩司設立節義局轉飭各地方官紳確查隨時詳辦去後茲據布政使馬秀儒詳稱知府銜卽用同知直隸州前任隨州知州楊嘉運於咸豐四年三月因德安府城失守逆匪竄入州境該員率在籍候選縣丞王青綬等督

帶練勇於四月二十六七八等日節次在馬坪港環
潭安居等處殺賊數百名該員乘勝追至九里崗手
刃黃衣長髮賊目數名嗣被賊匪從後抄截該員箭
傷落馬經王青綬等上前救護遇大股賊至眾寡不
敵隨與縣丞王青綬隨州生員馬漢祥並該員家丁
桂才勇目沈珍舒高發等同時陣亡除勇目沈珍等
人數眾多查明另案彙詳外該員楊嘉運帶勇殺賊
並手刃賊目多名因眾寡不敵力竭捐軀原驗身首
異處深堪憫惻又 賞加升銜前任武昌府同知

姜國祺委辦軍需總局於咸豐四年六月初二日省

城復陷該員督帶兵勇執劍巷戰在橫街頭手刃數賊力竭難支與家丁艾四李春同時被害又前任大治縣知縣汪榮基畱省委造礮臺巡查望山武勝各門街道咸豐四年六月初二日省垣復陷該員督勇巷戰與幕友馮助之家丁柴升同時被害又同知銜前任武昌縣知縣何開泰畱省派守漢陽門於咸豐四年六月初二日當逆匪攻城之際該員執械立斃賊目二名嗣因城陷與家丁姚福葉和同時被害又運同銜候選直隸州前任麻城縣知縣姚國振於咸豐四年二月札調帶勇援應漢陽並委候補按察司

司獄李克慎協同勦賊節次在宋埠三店柳子港等處打仗獲勝斃賊多名嗣因迎風力戰與李克慎衝入賊陣被眾賊刀械交加同時殉難又前署麻城縣事本任雲夢縣知縣韓寶昌於咸豐四年三月二十七日因逆匪竄擾縣屬之宋埠該員督帶練勇迎敵獲勝追至龍困橋地方是晚被賊圍住與家丁曹貴曹啟運差役羅愷等同時陣亡除羅愷等人數眾多查明另行彙詳外該員韓寶昌與家丁曹貴曹啟運被害甚慘又前任黃陂縣推升廣東瓊州府同知呂錫麟前因案撤任來省委守文昌門於咸豐四年六

月初二日省城復陷遇賊戕害又據發同知陳錫熙
因委守漢陽門盤查奸細咸豐四年六月初二日省
城復陷該員罵賊不屈與家丁徐貴同時被害又試
用知縣單維楷奉委看守賓陽門梁口於咸豐四年
六月初二日復委赴湖南催餉甫抵武勝門遇賊交
戰斃匪多名因力竭不支被賊戕害體無完膚與家
丁王升安太同時殉難又丁憂尙未回籍試用從九
品王以南於咸豐四年六月初二日省城復陷該員
因擊沈賊船數隻被東門眾賊圍住遇害並據該藩
司詳明前司以該員屢著戰功保升府經歷縣丞先

給六品頂翎會否詳奏無案可稽應請

敕部查

明議卹又前任鄖縣典史補用府經歷縣丞馮春輝
於咸豐四年六月初二日省城復陷該員帶勇堵剿
身受多傷與次子童生馮維柏同時殉難又署江夏
縣縣丞借補鶴峯州州判本班布政司經歷余裕祖
於咸豐四年六月初二日省城復陷該員與子同時
在城內年旺街被害其子何名有無官職子嗣因無
家屬具報無憑查考應請

敕部咨查該員祖籍

順天宛平縣寄籍安徽休甯縣轉飭查明議卹又前
署武昌府教授枝江縣候選訓導張一芝於咸豐四

年六月初二日省城復陷該員在明倫堂罵賊被戕
又前署京山縣縣丞試用縣丞姚拱辰於咸豐四年
衍五月十五日在縣屬孫家橋地方帶勇防堵遇賊
接仗與家丁鄧明同時陣亡又京山縣籍從九品李
宏春監生李先春因賊匪上竄弟兄捐貲同辦團練
殺賊甚多咸豐四年五月二十八日帶勇出隊在朱
家嶺地方乘勝窮追猝遇伏賊致李宏春李先春同
時陣亡又前代理荊門州吏目事試用從九品李樹
聲於咸豐四年四月初六日帶勇防護州城遇賊戕
害又前任蘄州州判魏作霖因賊匪犯境該員帶勇

於咸豐四年十月十四日在州屬野堂嘴地方打仗陣亡又前任黃梅縣教諭漢陽縣舉人揀發知縣宋贊元在任督辦團練幫同收復縣城獲糧濟餉斃匪多名咸豐四年十二月十二日因遇大股賊匪兵勇潰散該員力戰受傷與家丁姜宏烈同時被害又前署武昌府同知升用同知劉士哲前任廣西湖南屢著戰功到任後正值逆匪上竄咸豐五年正月初八日漢陽失守該員捐貲募勇督帶渡江連平賊壘數座殺賊甚多嗣因追賊遇害體無完膚隨從數十人同時陣亡除隨從人查明另行彙詳外該員劉士哲

被害甚慘又前任武昌府訓導邱兆鏞於咸豐五年正月初四日委赴漢鎮募勇甫至江邊卽遇賊匪該員罵賊被害又揀發從九品姚福山前在臣營派委監印咸豐五年八月初八日在漢陽參山潰散出營嗣尋獲關防後查明該員實係被賊戕害又前調臣營當差之恩施縣典史升用府經歷縣丞吳世鼎亦經查明實於咸豐五年八月初八日參山潰散遇賊戕害各等情詳請核奏前來臣查知府銜卽用同知直隸州前隨州知州楊嘉運候選縣丞王青綬隨州生員馬漢祥賞加升銜前任武昌府同知姜

國祺前任大冶縣知縣汪榮基同知銜前任武昌縣知縣何開泰運同銜候選直隸州前任麻城縣知縣姚國振候補按察司司獄李克慎前署麻城縣事本任雲夢縣知縣韓寶昌前任黃陂縣推升廣東瓊州府同知撤任知縣呂錫麟揀發同知陳錫熙試用知縣單維楷丁憂試用從九品王以南前任鄖縣典史補用府經歷縣丞馮春輝並其次子童生馮維柏調署江夏縣縣丞借補鶴峯州州判本班布政司經歷余裕祖前署武昌府教授枝江縣候選訓導張一芝前署京山縣縣丞試用縣丞姚拱辰京山縣從九品

李宏春監生李先春前代理荆門州吏目事試用從
九品李樹聲前任蘄州州判魏作霖前任黃梅縣教
諭漢陽縣舉人揀選知縣朱贊元前署武昌府同知
升用同知劉士哲前任武昌府訓導邱兆鏞揀發從
九品姚福山恩施縣典史升用府經歷縣丞吳世鼎
等或捐軀殉難或力戰陣亡或因帶勇拒敵而傷身
或爲團練殺賊而殞命甚至幕友家丁奮不顧身同
被戕害均屬忠烈可嘉可否仰懇

聖恩俯準敕

部從優議卹以慰忠魂其王以南一員有無保升案
據余裕祖之子何名有無官職子嗣現無該故員家

屬在楚無憑查考應請由部咨查原寄籍聲覆核辦
至殉難之幕友馮助之家丁桂才艾四季春柴升姚
福葉和曹貴曹啟運徐貴王升安太鄧明姜宏烈等
可否在各該故員名下一併附入出自 皇上逾
格鴻慈除將陣亡勇目姓名飭司造冊咨部議卹並
查明尙有殉難未報官紳隨時分別辦理外謹附片
具奏奉

硃批楊嘉運等均著從優議卹餘照所議辦理欽此 十月
二十二日奉

籲請

恩卹殉難文武員弁疏 七年正月二

十四日

竊臣前因湖北省自咸豐二年以來節次剿賊陣亡殉難各官紳因武漢屢經失守案卷無存未能隨時查辦因恐忠義之蹟歷久湮沒無以勸臣節而正人心飭令藩司設立節義局並飭各地方官紳確查隨時詳辦嗣據藩司馬秀儒將查明之前任隨州知州楊嘉運等彙案詳報經臣於上年十月初八日奏請

恩卹在案茲據各屬陸續查明陣亡殉難文武各官並殉難眷屬家丁共計一百一十六名口由藩司彙詳請奏前來臣查該文武各官等奮不顧身

見危授命但知各盡其分非求身後之榮惟疊奉

恩旨飭查請卹仰見

聖慈優渥風勵羣倫正

於表章忠孝之中隱示維持名教之道使正氣獲伸
於天壤則大義益炳如日星謹繕具清單恭呈

御覽仰懇

聖恩從優賜卹以勵大節而慰忠魂

此外尙有未經查明各官紳除飭催趕緊續查詳辦
不得稍有遺漏另行奏懇 恩卹外理合會同督

臣官文恭摺具 奏伏乞

皇上聖鑒訓示再湖

北省城迭陷文卷俱失此內有無經前督撫臣奏請

賜卹之處應由部查卷核議並請

敕部將

已奏各案抄單行知俾此後查辦不致重複合併陳
明謹奏

湖北省咸豐二年至五年節次打仗陣亡殉難文
武各官事實清單

按察使司銜補授漢黃德道延志正紅旂滿州人
咸豐四年六月初二日賊撲省城奉委帶勇在白
沙洲堵剿力戰最久兵少援絕身受矛傷罵賊被
戕應請優卹其隨同被殺之家丁房升亦請照例
附祀

補用同知直隸州署廣濟縣陳肖儀係江西弋陽

縣人咸豐三年九月二十七日逆匪竄入縣境攻撲土城該員督率次子六品軍功陳恩霖及士民壯勇人等奮力抵禦因眾寡不敵被賊攻破東門該員同子陳恩霖在西路聞信趕往堵禦行近縣署賊已入城邑中耆民繞跪馬前泣求暫避以圖克復該員正色叱曰臨難苟免何以爲人我惟知殺賊耳其子陳恩霖持矛衝入賊隊力竭被害該員手劍格賊斃賊一名受傷被擒罵不絕口賊鬻割之查該員在楚歷任各邑循聲素著茲復竭力守禦父子同時授命忠孝可風應請
特恩優

予議卹並請在於死事地方及該員原籍建立專祠

揀發同知許成佐四川成都府成都縣人咸豐三年奉委在省巡防先後拏獲奸細九十餘名審明正法四年六月初二日省城失陷該員在閱馬倣督勇堵禦殺賊數名力竭陣亡死事最烈應請從優議卹

荆州理事同知靈濤係正藍旗滿州人咸豐三年因粵匪竄擾畱省辦理防剿事務四年六月初二日省城失陷該員在黃鶴樓防堵手刃數賊力竭

陣亡家人李升趨向撲救同時被害查該員在省防勦屢著勤勞於城陷時奮力抵禦慷慨捐軀大節無虧應請優卹其同時被害之家丁李升並請照例附祀再據該家屬呈稱該員守城出力曾蒙前撫臣奏請以直隸州升用無案可查應由部就近查明從優辦理

署黃州府事揀發同知林士鈐係安徽懷遠縣人咸豐四年三月奉委署理黃州府事因粵匪圍攻省城仍畱省辦理兵米防守事宜六月初二日城陷該員懷印罵賊不屈被害應請優卹

廣濟縣知縣蔡潤琛係浙江嘉善縣人由兩淮鹽
大使加捐知縣於道光二十八年選授斯缺二十
九年到任咸豐三年四月鄉民抗糧滋事奏參革
職從重擬發新疆是年九月賊竄漢陽省垣戒嚴
委令帶勇在平湖門防守賊蹤下竄又經前督臣
吳文鎔帶赴黃州追剿並飭幫辦營務四年正月
十五日賊撲堵城大營該革員督率兵勇手刃數
賊身受重傷力竭陣亡該員有姪候選從九品蔡
振基并家丁楊升楊喜子均同時殉難查該員獲
罪在先究能效命疆場其姪從九品蔡振基家丁

楊升楊喜子同時殉難實堪嘉憫可否寬免原擬
罪名仍照原官從優

賜卹並蔡振基一併照

例議卹出自

鴻施逾格其同時殉難之家丁

楊升等亦請附祀

升用同知先換頂戴補用知縣前任漢陽縣蔡甸
巡檢陸蔭埏於咸豐三年十二月隨前督臣吳文
鎔赴黃州剿賊四年正月十五日打仗陣亡應請
從優議卹該員籍隸何省應由部查核

署興國州事揀發直隸州知州郭維鍵係四川資
州直隸州人咸豐三年揀發湖北五年正月賊陷

漢陽經前撫臣陶恩培札委帶勇防守忠孝門二月十七日賊匪陷城該員竭力堵禦被賊圍殺應請從優議卹

前任黃岡縣知縣湯景係浙江仁和縣人因丁祖母憂在鄂起復經前撫臣陶恩培委帶兵勇在山坡地方防堵咸豐五年二月十一日遇賊接仗該員奮不顧身督戰甚力哨長賴光漢家丁關升同時陣亡該員坐馬被創步戰良久力竭遇害死事最烈應請優卹其同時陣亡之哨長賴光漢家丁關升並請照例附祀

鍾祥縣教諭陳啟圖係漢陽府黃陂縣人咸豐四年三月二十八日安陸府城失陷該教諭獨蕭衣冠懷印端坐明倫堂賊至逼降怒罵不屈賊攢殺之洵屬從容死節並據前署安陸府饒拱辰稟稱查得該教諭自壯歲以後潛心正學躬行實踐持身接物存誠主敬學有原本節義最著應請加等優卹

候補主簿汪維祚係安徽廬江縣人咸豐二年奉委防守省城十二月初四日城陷不屈死之應請優卹

候補從九品梁玉淦係廣東順德縣人前補羅田縣多雲巡檢丁憂服闋於咸豐二年起復仍歸原省補用是年賊圍省城奉委在城督勇防堵十二月初四日城陷殺賊多名力竭陣亡應請優卹天門縣典史夏廷杰係江西新建縣人咸豐四年四月初四日賊匪攻城帶勇奮擊城陷殉難其妻汪氏及子獻功在署罵賊不屈同時遇害應請從優議卹其妻夏汪氏子獻功并請附祀

江夏縣鮎魚套巡檢趙堃順天宛平縣人咸豐四年六月初二日省城失陷該員適奉委帶勇巡查

城外街道該員之母吳氏年逾八旬就養在署其長子趙灼年十五歲亦隨侍任所賊至時該員之母諭以兒當爲忠臣吾亦當爲節母該員遂同母罵賊不屈及其子灼均遇害應請從優議卹

署布庫大使候補縣丞汪邦慶係浙江錢塘縣人四年六月初二日賊陷省城該員在庫奮身拒賊遇害應請優卹其隨同殉難之家丁周貴並請照例附祀

咨補按察司司獄汪貴讀係安徽休甯縣人咸豐四年六月初二日賊陷省城該員率領鄉勇家丁

巷戰被害應請優卹

分發湖南試用未入流董鈺係江夏縣人因候咨
留省咸豐四年委同前署崇陽縣知縣鈕芳津帶
勇攻克崇陽縣城是年八月逆匪復竄崇陽該員
隨同鈕芳津登陴固守城陷陣亡除鈕芳津已經
請卹外該員在前克復縣城後又守城遇害應請
優卹

候補從九品陳沛霖係浙江黃巖縣人咸豐二年
經前漢陽府黃振鐸委辦防剿事宜十一月十二
日城陷該員帶勇堵禦打仗陣亡議請優卹

候補從九品張世勳山東人咸豐二年經前漢陽府董振鐸委辦防剿事宜十一月十二日城陷該員帶勇堵禦打仗陣亡應請優卹該員原籍何縣應由山東巡撫飭查報部

署應城縣長江埠巡檢候補從九品凌金榜係江蘇人咸豐四年三月初十日賊至與妻罵賊被賊斷舌同時遇害應請優卹該員係江蘇某縣人其妻係某氏應由江蘇巡撫飭查報部

候補府經歷署監利縣白螺巡檢張誥祥係直隸藥城縣人咸豐四年二月初一日帶勇殺賊力竭

被執怒罵遇害應請優卹

湖北試用從九品洪文朝浙江慈谿縣人咸豐二年十一月粵匪圍撲省城該員隨同臬司登城守禦十二月初四日城陷力竭被害該員之妻洪趙氏聞信攜抱幼女蓮姑同時殉節並同寓之前任多雲巡檢補用縣丞趙恩溥之妻趙沈氏浙江仁和县人子趙振家女福姑均自縊殉節應請優卹蒲圻縣縣丞張汝琛係河南人咸豐二年十一月初九日粵匪攻陷蒲圻縣城巷戰陣亡該員係河南某縣人應由河南巡撫查明報部

湖北揀發知縣王恩綬並其子議敘未入流王慶
係江蘇常州府人於五年二月十五日抵省緹城
而入經前撫臣陶恩培委令在省巡城十七日城
陷與武昌府知府多山同時殉難該員履險蹈危
毫無趨避父子忠孝足振頽風應請加等優卹

捐職從九品謝以鎮係浙江會稽縣人咸豐四年
正月逆匪上竄奉委帶勇巡城六月初二日賊撲
省城該員在漢陽門擊傷數賊賊從武勝門上城
將近轉角樓該員手刃賊目一名因賊眾繼至力

被害應請優卹

貴州古州鎮右營都司世襲騎都尉加一雲騎尉
王臻祐係貴州貴筑縣人咸豐三年出師湖北四
年正月十五日在黃州府屬鶴子湖地方打仗被
另股賊匪抄截歸路前後夾擊該員馬逸陷鶴子
湖淤泥中鎗子如雨猶帶傷血戰手殺兩賊及刀
矛齊下乃死死事最烈應請從優議卹

揀發參將隆安滿洲正紅旗人咸豐五年正月初
七日逆匪上竄委帶標兵在漢鎮後湖堵剿殺斃
黃衣賊目三名賊匪數十名逆黨敗退十餘里嗣
爲另股抄襲該員奮不顧身衝入賊隊連斬數賊

被旁賊矛刺陣亡應請優卹

四川漳巖營守備馬應泰咸豐四年閏七月十五日在天門縣屬陶溪塘打仗陣亡應請優卹

四川越雋營千總周元彪係西昌縣人咸豐四年八月十一日在漢川縣屬城隍港地方打仗陣亡應請優卹

署漢陽營左哨頭司把總東江腦外委蕭景忠係漢陽縣人咸豐五年正月初七日賊匪上竄該弁奉委帶兵隨同大隊赴沙口打仗陣亡應請優卹前署通城汛把總儘先把總世襲恩騎尉胡肇元

係通城縣人咸豐五年三月十四日賊竄通城該
弁殺賊陣亡應請優卹

安陸營左司把總雷萬春係穀城縣人咸豐二年
調赴省城派防漢陽門十二月初四日城陷力戰
陣亡應請優卹

湖北撫標右營經制外委田保清係江夏縣武生
咸豐四年派守省城忠孝門六月初二日城陷陣
亡應請優卹

湖北撫標外委王聯升係江夏縣人咸豐五年正
月初七日帶兵在漢口打仗陣亡應請優卹

四川松潘左營外委張思本咸豐五年正月初七日在漢口打仗陣亡應請優卹

四川松潘中營把總拔補龍安營千總劉遇春平番營把總王慶松潘左營外委馬江俱於咸豐四年十二月三十日在廣濟縣屬五里坡前十里地方打仗陣亡均請優卹

四川保安營千總彭仕睿係甯縣人咸豐四年八月十一日在漢川縣屬城隍港地方打仗中破陣亡應請優卹

四川疊溪營額外外委夏得才咸豐四年六月內

在潛江縣屬馬王廟地方打仗陣亡應請優卹

署蘄州營分防黃梅縣汛千總汪國泰係蘄州武舉隨副將劉富成差遣咸豐四年十二月初四日逆匪上竄該弁奮不顧身衝入賊隊斬斃多名鎗傷右脇登時陣亡應請優卹

湖北撫標左營左哨千總梅青係江夏縣人咸豐四年八月二十八日帶兵在澗口打仗陣亡應請優卹

署漢陽頭司把總章殿元係黃陂縣武舉咸豐四年八月二十八日帶勇在沙口打仗陣亡應請優

卹

儘先補用守備襄陽城守營右哨千總趙大發咸豐五年五月初十日在江夏縣屬紙坊地方打仗陣亡應請優卹

武昌省城守外委房經國係嘉魚縣武生咸豐二年十一月粵匪圍撲省城十二月初四日賊陷文昌門該弁趕赴堵禦手刃多賊被賊殺傷其子武生房萬梓力救同時遇害棄屍城溝次日經隨丁李宏楷覓獲屍身忠孝可嘉應請從優議卹

荆門州營千總郭殿雄係鍾祥縣人咸豐三年九

月初十日在田家鎮打仗陣亡應請從優議卹

湖北提標前營左哨把總李琮係穀城縣人咸豐三年十月二十八日在黃州府屬之龍王山打仗陣亡應請優卹

荊門營外委陳大彬係江陵縣人咸豐三年十二月二十五日在黃州府屬之龍王山督兵斃賊多名復單騎直衝賊隊矛斃黃巾黃衣賊目賊眾兵單被賊鎗傷胸膛陣亡死事最慘應請從優議卹湖北提標左營右哨二司把總嚴廷山係襄陽縣人咸豐三年八月二十九日賊撲田家鎮營盤該

弁力戰一日賊匪漸退督兵進追被賊旁擊乳受礮傷登時陣亡應請從優議卹

湖北撫標右營左哨千總吳芳泰係江夏縣人咸豐五年七月初八日在漢陽縣檀樹坳地方帶兵打仗當殺悍賊數人因眾寡不敵被賊圍截登時陣亡該弁之弟吳芳雄係督標步兵先於三年出師黃州四年正月十五日在堵城陣亡又該弁之妻羅氏亦於四年六月初二日因省城失陷投水殉難應請優卹

署湖北提標中營右哨二司把總左哨二司外委

陳均隄係南漳縣人咸豐三年十月二十八日在黃州府屬之龍王山打仗身先士卒連刺賊匪力竭陣亡應請優卹

署甘肅涼州鎮俄卜嶺游擊甘州提標右營游擊曹中選係甘肅皋蘭縣人咸豐四年八月十一日在麥旺背打仗獲勝斃賊多名因被另股賊匪截斷歸路力竭陣亡應請優卹

甘肅涼州鎮大靖營把總陳祥係甘肅皋蘭縣人咸豐四年八月十一日隨同提標右營游擊曹中選在麥旺背打仗腹受矛傷項受刀傷登時陣亡

應請優卹

署甘肅甯夏鎮洪廣營遊擊漢中鎮標西鄉營都司周榮禮係甘肅皋蘭縣人咸豐四年八月十一日在麥旺觜等處打仗被賊圍擒該員罵不絕口被害最烈應請優卹

甘肅甯夏鎮靈州營經制外委薛印係甘州人甯夏鎮橫城營分防清水汛把總袁喜係甯夏縣人俱於咸豐四年八月十一日在麥旺觜等處打仗薛印身受矛傷二處袁喜身受矛傷三處均登時陣亡應請優卹

宜昌鎮左營右哨千總雲騎尉世職王茂昌係穀
城縣人咸豐三年九月十三日在田家鎮陣亡應
請優卹

提標後營把總吳尙升咸豐五年二月初九日攻
撲漢陽城陣亡應請優卹

革職前任湖南綏靖鎮右營守備徐統緒係湖南
人咸豐二年追賊至湖南省城後因病撤回本任

經 欽差大臣向榮以藉病回任奏參革職旋
經湖南撫臣駱秉章奏畱帶兵堵剿咸豐四年六
月十七日在湖北通城縣屬之雷打石地方打仗

陣亡身受多傷屍首不全死事最烈應請照守備
例優卹又該員之母徐曾氏因寄寓湖北省城先
於咸豐二年十二月初四日因城陷盡節又該員
之弟婦徐會氏卽湖南卽補守備徐統恩之妻將
姑屍掩埋後遂自縊以殉家僮名紹周者亦相繼
自縊并請照例議卹

河南南陽鎮右營都司王煜係鑲紅旗漢軍咸豐
二年八月隨歸德營參將張德恆出師湖北在平
水鋪防堵調赴蒲圻縣城防禦是年十一月初九
日城陷陣亡應請優卹

陝西延綏鎮定邊協營經制外委施輔清咸豐二年隨延綏鎮右營守備張鳴祿出師河南改援湖北四年七月二十四日在德安府屬之長江埠地方打仗陣亡應請優卹

陝西宜君營參將方臺係江西上饒縣人咸豐二年出師湖北奉派在武昌省大東門城上防守十二年二月初四日城陷礮傷左脇陣亡應請優卹

蒲圻縣典史何耿係浙江蕭山縣人咸豐二年十一月初九日粵匪攻陷蒲圻縣城開監放犯該員把守監門罵賊被戕應請優卹

河南候補未入流馬尙誦係順天宛平縣人咸豐二年九月奉委管解餉銀赴湖南交收十一月初二日行抵湖南臨湘縣因岳州被圍恐有疏失卽折回湖北省城將銀繳存藩庫兌收寄寓省城文明庵十二月初四日城陷該員罵賊不屈與家丁陳福同時被戕應請分別優卹附祀

署湖北鄖陽鎮左營游擊卽補游擊曠輔廷係廣西全州人迭次出師剿賊出力咸豐三年奉派在田家鎮防堵九月十三日逆匪上竄該員於是日帶領兵勇出戰奮不顧身被賊礮傷陣亡應請優

卹

貴州銅仁協右軍把總林道珍咸豐三年七月奉
派出師湖北四年正月十五日在黃岡縣堵城地
方打仗陣亡應請優卹

湖北按察使經歷郎桂森山西代州人咸豐二年
十一月粵匪圍撲省城該員奉委防堵南城十二
月初四日城陷陣亡該員之父廣西向武土州州
判郎汝琦告病就養省寓城陷時汝琦馬賊遇害
時年七十有二又郎汝琦次子郎桂蔭郎汝琦之
妾孫氏同時殉節應請優卹

山西和林格爾巡檢顧兆魁咸豐二年八月奉委
管解湖南軍餉十一月初四日行至蒲圻縣因岳
州失守卽將餉銀轉解湖北省城交藩庫收存在
省城守候批回十二月初四日城陷殉難應請優
卹

署河南孟樓汛把總南陽鎮都司衙汛經制外委
周璽係河南鄧州人咸豐二年二月奉派出師湖
北省城駐紮平湖門防堵十二月初四日城陷陣
亡應請優卹

護河南河北鎮總兵事衛輝營參將長慶係正白

旗漢軍咸豐二年八月奉派出師湖北在漢陽府城外之龜山防堵十一月十二日接仗身受鎗礮刀矛多傷陣亡應請優卹

署河南歸德營參將開封游擊張德恆咸豐二年八月奉調出師湖北省城防守十二月初四日城陷該員帶兵迎拒身受重傷登時陣亡應請優卹黃岡縣縣丞姚文暉咸豐三年九月十三日在田家鎮隨陣擊賊陣亡應請優卹

河南歸德營虞夏汛千總孫登甲咸豐二年八月奉調出師湖北派防省城十二月初四日城陷陣

亡應請優卹該員係南陽縣人

安徽儘先升用把總撫標右營額外外委江占鼇並其子八品頂戴安慶營戰兵江國才咸豐二年奉調出師湖北派赴湖南岳州府屬之南津港紮營十一月初三日卯刻賊至該弁父子身先迎剿同時陣亡應請優卹

陝西西安城守協標左營都司呂松年係甘肅臯蘭縣人咸豐三年奉調商南縣防堵四年調赴湖北襄陽防堵五年二月初九日在漢陽打仗陣亡應請優卹

河南考城營守備雲騎尉世職劉元貞咸豐二年
八月出師湖北十一月十二日在漢陽府城外之
龜山打仗陣亡應請優卹

河南歸德營柘城汛經制外委張保清咸豐二年
出師湖北派守武昌省文昌門一帶十二月初四
日城陷督兵血戰身受叢傷立時陣亡應請優卹
選授蘄州衛守備賈瑞齡係順天宛平縣人咸豐
四年二月行至孝感縣地方因蘄州已被賊踞卽
在黃安縣團練隨前督臣楊需軍營效力陸續生
擒賊匪十七名正法六月初十日賊竄黃陂該員

帶勇迎勦身受礮傷陣亡應請優卹

署武昌府經歷揀發州同梁坦雲係正藍旗漢軍
咸豐三年五月到省委署武昌府經歷四年六月
初二日城陷該員巷戰陣亡應請優卹

署湖廣督標中軍副將補用參將德亮咸豐三年
十一月隨前任督臣吳文鎔在黃岡縣堵城地方
紮營攻剿屢獲勝仗四年正月十五日賊匪四面
撲營該員首先帶領兵勇出隊迎敵左腕中鎗忍
死力擊斃賊十餘名及左腿中鎗墜馬猶能手刃
二賊賊膺至身受叢傷與督臣吳文鎔同時陣亡

查該員曾任廣西左江鎮總兵屢著戰功茲因剿賊捐軀忠勇可嘉死事最烈可否照總兵例賜卹以慰忠魂出自

天恩該員係正白旗滿洲人
大挑知縣陸維瀚係雲南楚雄縣人咸豐三年八月到省派守城門四月初二日城陷持矛殺賊力竭被害應請優卹

湖北候補知縣劉嗣煦係湖南善化縣人咸豐三年十二月隨前督臣吳文鎔赴黃州府剿賊四年正月十五日堵城兵敗該員在營持矛殺傷數賊力竭陣亡時該員次子文童劉墀隨侍在營極力

救護亦被戕害忠孝可嘉應請優卹

衛千總銜周文藻及弟周必譽係武昌縣人咸豐二年在撫標投效派令帶勇守城十二月初四日城陷巷戰兄弟同時陣亡應請分別優卹

漢陽府通判金本係直隸天津縣人咸豐三年九月奉調省城幫辦軍需局務四年六月初二日城陷在大東門遇賊被擒罵不絕口登時被害應請優卹

遵查陳惟和闔家殉難事實請 賜優卹疏

七年二月二十八日

咸豐五年六月十七日內閣奉

上諭都察院奏

湖北紳士陳維本等遣抱呈家人陳升以闔家殉難未邀議卹等詞赴該衙門呈訴據稱該員胞弟前江蘇按察司司獄陳惟和於咸豐二年因差回至武昌適值逆匪圍城陳惟和並其母朱氏於城陷時率領男婦親戚等二十五人同時自焚情節甚爲慘烈著官文胡林翼按照所呈姓氏人數詳細查明據實具奏欽此欽遵在案查浙江山陰縣命婦陳朱氏先年隨夫陳志伸游幕來楚寄籍江夏縣住文昌門城內三子陳惟和係江蘇按察司司獄於咸豐二年十一

月因差回楚適粵匪圍城督勇守禦十二月初四日
城陷陳惟和率眾巷戰身受重傷次日逆匪入室搜
掠砍傷僕人吳福周發脅令闔家入會陳朱氏陳維
和母子罵賊不屈卽率眷屬陳常氏陳楊氏陳葉氏
陳范氏陳江氏陳楊氏陳馮氏陳詩周陳詩義陳四
姑陳巧姑陳滿姑陳遺姑陳歡姑並戚眷苗朱氏徐
常氏徐王氏僕人吳福周發婢女翠雲吉慶桂花桃
花共二十五名口閉門自焚同時殉難陳惟本長子
陳詩興投井水淺未死乘隙逃避嗣省城克復陳詩
興入城收其殘骨稟經委驗詳報飭殮此時陳朱氏

長子陳惟本直隸候補通判在署邯鄲縣任內據由
楚逃出家丁報知前情陳惟本詳報丁憂卸事一面
稟經直隸藩司並報後任邯鄲縣咨移過楚因省城
復陷案卷被焚未及查詳奏辦陳惟本等赴都察院
呈請代 奏欽奉 諭旨查辦茲據監生陳惟炳
邀同江夏縣原籍族鄰加結呈報復經布政使馬秀
儒署武昌府知府嚴澍森查報屬實詳請援照在籍
從九品王澤夏雲階全家殉難成案懇請加等

賜卹建立專祠並聲明陳朱氏因子陳惟和江蘇按
察司司獄任內 覃恩給予封典等情前來 臣查

前任江蘇按察司司獄陳惟和於咸豐二年因公回
楚適值粵匪圍城該員督勇守禦十二月初四日城
陷該員巷戰受傷隨母陳朱氏罵賊不屈並率領男
婦親戚僕婢共二十五名口一並自焚殉難一門忠
義大節凜然核與在籍從九品王澤夏雲階全家殉
難成案相符合無仰懇

天恩俯準

敕部查

照成案從優議卹以慰忠魂除將賫到冊結咨送各
部暨咨都察院衙門查照並飭查此外殉難官紳隨
時奏懇

恩卹外理合會同督臣官文恭摺具

奏

上諭胡林翼奏查明職官闔家殉難懇請優卹一摺江
蘇按察司司獄陳惟和於咸豐二年因公回至原籍武
昌府適值粵匪圍撲省城該員督勇守禦城陷後巷戰
受傷隨母陳朱氏罵賊不屈並率領男婦親戚僕婢二
十五名口一併自焚殉難一門忠義甚屬可嘉應如何
從優議卹之處著該部查例具奏欽此

續請分別旌卹殉難紳民疏

三月初五日奉

竊臣查咸豐三年二月二十日奉

上諭向榮奏

查明安徽省城殉難官員開單請卹等語在籍從九
品王澤夏雲階或被戕殞命或全家殉難同罹慘烈

深堪憫惻均著照現在官階加等議卹並著於該地方建立專祠以慰忠魂又十月二十三日奉 上

諭太僕寺卿王茂蔭 奏請旌表殉難士民一摺軍

興以來被賊滋擾地方士庶人等或因罵賊致戕或因禦侮遭害甚至全家罹難闔室自焚雖貴賤之不同實節義之無愧特恐僻處鄉隅不獲上邀旌卹以致湮沒弗彰朕心惻焉著各該督撫通飭所屬迅速查明遇賊死節士民婦女等除照例應請旌表外其殉難尤烈者並準其奏明請旨分別 賜卹等因欽此欽遵各在案

臣查湖北省節年陣亡殉難官紳

人等因武漢屢次失守案卷被焚未能查辦諂飭藩
司督同武昌府設立節義局行令各屬查報經臣先
後將查明文武員弁奏請

恩卹亦在案茲續據

各屬查明陣亡殉難紳民婦女由藩司馬秀儒彙造
清冊詳請具奏前來臣查清冊內開咸豐二年十

一月十二日漢陽城陷漢陽縣民人王巨卿隨前漢
陽府董振鐸守城堵禦不敵被害又漢陽縣學佾生
程元體隨母程汪氏率眷屬程愷乾等共八名口闔
門同時投水殉難又漢陽縣糧書王正佑並弟王正
禧管放勇糧漢陽府兵書朱家裕子朱功福刑書易

尙賢子易法煥雇工劉華蔭刑書萬光漢子萬宗賢
萬宗員均隨前漢陽府董振鐸守城被害又寄居漢
陽城內之順天宛平縣人原任漢陽縣蔡甸巡檢徐
中正之妻任氏母任李氏率子女徐祖麟等共六名
口當夜闖門自焚又二年十二月初四日省城失陷
江夏縣舉人曾繼成帶勇在保安門城上被戕伊子
廩生曾廣譽孫曾昭昀同日投湖殉難又江夏縣舉
人羅肇文同弟羅光益帶勇在望山門城上同時陣
亡家屬羅陳氏等七名口同日自縊又江夏縣附生
王人寶在省局總辦團防被戕身死又江夏縣廩生

葛晉芳帶勇在文昌門城上堵禦被戕又江夏縣增生毛家桐在團局辦公服毒身死家屬毛吳氏等共四名口同日投水殉難又江夏縣生員路廷珍帶勇守禦城陷同家屬路歐陽氏等共三名口自縊殉難又江夏縣生員嚴宗涓隨繼母嚴楊氏率家屬嚴周氏等共十三名口闔門投井殉難又江夏縣文童崔學宗帶勇在望山門城上陣亡又江夏縣文童朱以屋帶勇在武勝門被戕身死又江夏縣幕友劉晟帶勇在平湖門城上防堵被戕身死其女蕙娟戚婦湯鄧氏同日自縊又江夏縣人武昌府書吏劉有道自

縊家屬劉張氏等一門八口同日服毒殉難又江夏縣人藩司書吏毛鳳翔率家屬毛朱氏等共八名口闔門自縊又江夏縣民人張東來同眷屬僕婦張世熙等共九名口闔門被戕身死又寄寓省城之大泊縣民人袁家賓率家屬袁余氏等共五名口闔門服毒殉難又寄居省城之漢陽縣人藩司書吏潘壽平隨前藩司梁星源辦理糧臺事務被害家屬潘易氏等計五名口同時殉難又江夏縣民人朱博海並子朱衍棠遇賊被害家屬朱何氏等一門八口同日縊溺殞命又江夏縣廩生曾翼之妻宋氏率家屬曾卿

雲等一門八口同時自縊又江夏縣民人李明揚之妻楊氏率家屬李誠太等一門八口同時投水殉難又二年十二月初五日江夏縣民人熊良相之妻譚氏率家屬熊正煥等一門八口在省城內同時自縊又是月初九日江夏縣城內民人殷世俊率家屬殷易氏等一門十口自縊殉難又四年四月十九日賊犯黃陂縣屬東寺畝縣民陳殿琪因父陳啟輝帶勇迎勦被圍往救遇害其伯祖母陳李氏被賊燒死雇工殷開陽自縊殉難又四年八月十一月江夏縣耆民吳作祚率眾殺賊在縣屬井東村地方被戕身死

又五年二月十七日省城復陷江夏縣人武昌府兵書楊民哲隨前武昌府多山在北門城上防守被戕身死其堂兄楊文宣堂姪楊永慶楊永康同日在署被戕身死又五年七月十八日漢陽縣民人郭正章在漢鎮橋口地方劉志友在漢鎮萬壽宮地方康萬一在漢鎮大水巷地方各因團練殺賊被戕身死又漢陽縣民人蔣萃峯在漢口地方因賊復團練之仇與眷屬蔣王氏等一家五口同日被戕身死又漢陽縣人漢陽府陰陽學王鑑堂遇賊追索禮部劄付鈐記同眷屬王李氏等一家六口同時投河殉難又是

日賊燒漢鎮漢陽縣職員蕭通治之妻路氏率家屬
蕭光義等一門八口同時投河殉難又五年七月二
十七日江夏縣團勇楊天賜楊天祿楊天壽楊天喜
楊中秋兄弟五人在縣屬石嶺陣亡家屬楊李氏等
三口同日投水殉難以上其紳民男婦一百八十二
名口或戰禦捐軀骨肉相從殉節或闔門罹難眾心
同慕成仁洵屬忠烈可嘉且核與歷奉 諭旨準

其奏明請

旨分別賜卹之例相符會無仰懇

天恩敕部分別從優議卹

旌表其餘冊開例

應議卹之陣亡勇丁紳婦陳世儒李先楷張有亮周

應維張兆文王宏茂楊元昌梅大吳爲才石明興石
明發謝德祖黃荆頊關少太馬玉名陳先茂劉敦化
龔小壽王大蕭宏蕭正高陳貴元劉永啟蕭郢氏馮
楊氏劉張氏馮蕭氏余興盛唐順章余正佑胡丹亭
胡香廷胡祖榮胡金海胡國勝朱尙望朱大忠閔孝
鄭東華鄭祥華鄭占華趙萬盛趙成華趙成禮趙成
綱趙成傑趙成宗趙成國胡雲亭胡碧照涂福康涂
華用涂華清官紹鼎官丁姪官宗洛鄭從盛閔登洛
閔高從趙成信趙成永趙成榜趙二元趙懷祥徐純
永鄭光伊鄭銀玉朱兆烈宋銀玉朱章玉駱華國駱

立起程福建共七十三名口因公遇害之民人范明榮康高奎余文章朱正芳雷福榮雷福春張正倫蕭正華余國珍余國璜李凝云張立祥陽崇太李升共十四名又例應

旌表之遇賊死節江夏縣舉人

盛際斯等其紳民婦女一千六百九十七名口雖授命之情不一而取義之心皆同均堪憫惻合將彙造清冊隨摺送部相應一併請

旨敕部查照冊開

姓名事實分別照例議卹

旌表以勵大節而慰

忠魂此外尙有未經查辦員弁士庶並已辦各案有無遺漏除飭催趕緊續查詳辦另行奏懇

恩卹

外謹會同督臣

官文恭摺具

奏伏乞

皇上聖

鑒再湖北省城迭陷文卷俱失此內有無前督撫臣

已經奏請

賜卹之處仍請

敕部查明並抄

已奏各案行知俾免此後查辦重複合併陳明謹

奏

硃批均照所請議卹該部知道欽此

四月十二日奉

胡文忠公遺集卷四十三終



胡文忠公遺集卷四十四

善化鄭敦謹

湘鄉曾國荃

編輯

續請

旌卹節年殉難尤烈之官紳士庶疏

七年五月二十一日

竊查湖北節年陣亡殉難官紳士庶婦女人等前飭
藩司督同武昌府設立節義局行令各屬查報經臣
先後三次奏明在案茲續據節義總局查報各屬
陣亡殉難文武員弁紳民婦女共七百九十七名口
皆藩司馬秀儒詳請核奏前來臣查陳錦等二百

八十五名口或親臨戰陣而慷慨捐軀或力守危城而效死勿去從容就義大節無虧且核與歷奉

諭旨準其奏明請

旨分別賜卹之例相符相應

繕具事實清單仰懇

天恩敕部分別從優議卹

旌表其餘例應議卹之陣亡兵勇紳民詹尙太

等四十二名因公遇害之書差民人李光斗等十名

例應

旌表之遇賊死節紳民婦女汪傳斃等四

百六十名口舍生取義異地同情除飭藩司造冊送

部外並懇

飭部照例分別議卹議旌以慰忠魂

而維風化此外尙有未經查辦各案容俟續催趕緊

查報另行

奏懇

恩施外謹會同督

臣官文恭

招具 奏

清單

湖北蘄州營把總陳錦江夏縣人咸豐二年奉調赴省防剿十二月初四日城陷該弁督勇迎敵手刃數賊力竭陣亡

湖北興國營分汛大冶縣把總張文升江夏縣人咸豐二年奉調赴省防守監卡十二月初四日城陷在江夏縣監所被害

分汛通城縣把總夏開國武昌縣人咸豐三年三

月二十三日在通城縣城外督兵殺賊追至朗橋
遇伏陣亡

候選未入流曾壽麟江西長甯縣人投效前漢黃
德道軍營督帶破船咸豐三年八月三十日在甯
家鎮地方陣亡

署漢陽府司獄坐補黃梅縣孔壠巡檢邵英順天
大興縣人隨前任湖北臬司江忠源勦辦廣濟土
匪咸豐三年九月十八日漢陽城陷在署自縊殉
難

前署漢陽縣縣丞瞿士濂湖南沅陵縣人

候補黃岡縣但店巡檢蕭建勳四川華陽縣人

儘先升用守備督標左營五品花翎千總吳開泰
漢川縣人

以上三員俱隨前督

臣

吳文鎔帶勇赴黃州剿

賊屢著戰功咸豐四年正月十五日因堵城地方失利該員等迎敵同時陣亡

原署宜昌鎮標中軍守備左營左哨藍翎千總羅登魁通城縣人咸豐四年三月十四日督勇在崇陽縣屬沙坪地方力戰陣亡

揀選知縣孝感縣訓導閔顏江夏縣人在任勸捐

咸豐四年五月二十日在孝感縣北門外竹林崗捐局遇賊被執厲罵不屈子生員閔澹隨侍在側奮往護救同時遇害

湖北撫標左營三司把總周得榮江夏縣人咸豐四年五月二十七日在江夏縣屬油坊嶺地方打仗陣亡

升補湖北襄陽府同知崇綬鑲黃旗蒙古福升佐領下人先在省局勦辦善後事務嗣賊上竄籌辦軍需糧餉咸豐四年六月初二日省城失陷該員殉難家丁劉玉同時被害趙興受傷越日身故

六品頂戴藍翎揀發湖北候補知縣羅鳳池廣西
河池州人咸豐四年在省城賓陽門城上防堵兼
辦發審案件六月初二日城陷巷戰陣亡

湖北布政使照磨兼鹽庫大使陳芑生江蘇通州
人咸豐四年巡查省城街道六月初二日城陷在
三道街罵賊被戕幼子陳梓齡痛父罵賊亦卽被
害

湖北試用府經歷劉世杰順天宛平縣人祖籍貴
州咸豐四年巡查省城六月初二日城陷在保安
門城上被戕

五品軍功儘先千總朱世長四川宜賓縣人帶勇協同礮船屢立戰功咸豐四年六月初二日賊撲省城奮勇抵禦身受矛傷陣亡

原任當陽縣調署鍾祥縣知縣董文煜陝西朝邑縣人咸豐四年逆匪攻陷安陸府城隨卽率勇力戰克復嗣聞省城復陷大股將至勇丁乏糧憂忿絕食於六月初六日自縊

分汛通城縣把總許紹棠江夏縣人咸豐四年帶兵剿賊血戰累月九月初四日在縣屬鴨鵝橋地方與大股賊匪接仗陣亡

軍功卓異應升原任興國州富池巡檢藍新綸浙
江定海廳人咸豐五年帶勇在州屬修淨里地方
防堵正月初十日遇賊接仗身受數傷陣亡
分防漢川縣汛把總向逢春漢陽縣人咸豐五年
二月十五日在縣屬道人橋地方鏖戰陣亡

運同銜前署湖北興國州候補知州保忠內務府
正黃旗漢軍維翰佐領下人幫辦省城軍需局務
並防守中和門一帶城垣咸豐五年二月十七日
城陷在城上奮勇殺賊力竭遇害

江夏縣在籍候選知州夏維楨咸豐二年帶勇防

守省城十一月十七日在北門城上中礮身死

江夏縣生員劉年玉咸豐二年帶勇防守省城十二月初四日城陷在忠孝門城上督戰身受十餘矛傷陣亡其父候選從九品劉倬雲帶領家丁助剿亦受重傷越十日身死家丁陸福胡福李忠當日被害

江夏縣舉人揀選知縣楊明奎咸豐二年首倡練勇並捐助軍需桐油一千觔十二月初四日城陷該員與弟生員楊肇元在文昌門城上抵禦力竭陣亡楊肇元回家隨母楊周氏家屬僕婢楊陳氏

等共四十五名口同日闔門投繯自焚

江夏縣孝廉方正生員魏瑤光咸豐二年帶勇查街十二月初四日城陷在新有局東鋪督勇禦賊陣亡其子生員魏鈞率家屬魏黃氏等共十三名口同日闔門投湖殉難

江夏縣在籍安徽卽補府經歷范壽松咸豐二年帶勇防守省城十二月初四日城陷力戰被戕其父范維璋率勇巡街遇賊受傷率領親屬婢女范劉氏等共十七名口同日闔門殉難

前任江陵縣學訓導尹德泉江夏縣人咸豐二年

帶勇防守省城十二月初四日城陷在漢陽門城上抵禦被害其弟候選從九品尹德昭附生尹燾與家屬尹劉氏等共七名同日闔門殉難

江夏縣議敘從九品頂戴石映堂咸豐二年督帶紳勇防守省城十二月初四日城陷在賓陽門城上禦賊被戕

江夏縣候選州同楊元春咸豐二年管帶紳勇義勇巡守文昌門一帶十二月初四日城陷力戰陣亡嫂楊何氏同日自縊

江夏縣增生戴毓慶咸豐二年帶勇防守省城十

二月初四日城陷在平湖門城上被戕其父歲貢
候選訓導戴起並弟生員戴毓瀛帶領家屬共四
名同日投水殉難

江夏縣生員熊光奎咸豐二年管帶紳勇防守省
城十二月初四日城陷在平湖門城上自縊其父
熊德先母熊張氏率親屬熊楊氏等共九名口同
日闔家殉難

江夏縣生員汪有耀咸豐二年十二月初四日城
陷在望山門城上帶勇抵禦陣亡

江夏縣生員趙宗普咸豐二年帶勇防守省城十

二月初四日城陷在漢陽門城上禦賊被戕其家屬趙章義等八名口亦於初五日投繯殉難

江夏縣廩生宋玳咸豐二年帶勇防守省城十二月初四日城陷在文昌門城上接仗身受七傷登時陣亡

通城縣幕友陳問源福建侯官縣人幫辦團練殺賊多名咸豐三年二月二十三日在通城縣帶勇打仗陣亡

江夏縣七品軍功陳茂清咸豐四年五月二十三日在縣屬來蘇里地方帶勇堵剿被執罵賊不屈

摘齒割舌剖腹身死

漢川縣六品軍功郭有年咸豐四年七月二十四日在縣屬紅瓦廟地方帶勇隨同官兵打仗身受重傷投水殉難

漢川縣候選訓導周樂咸豐四年督辦團防閏七月二十二日被賊拘執帶至漢陽縣屬石碼頭地方罵賊不屈被戕

咸甯縣生員鄭啟林咸豐四年率眾防守縣城八月初八日在南門外禦賊陣亡

通城縣候選訓導王新運咸豐四年賊竄崇通首

倡團練屢立戰功嗣復帶勇隨同臣營直至九江
助剿五年正月轉赴通山防堵於十八十九二十
等日帶勇在通山興國交界之板橋地方連戰三
日二十一日賊眾大至自卯至午與賊鏖戰力竭
陣亡

咸甯縣孝廉方正增生劉大慧咸豐四年督辦團
練殺賊多名五年二月二十九日在白水畝三義
地方力戰斃賊十餘突來大股不敵陣亡

咸甯縣團首黃正邦咸豐五年二月十九日在縣
屬高橋成仙洲地方打仗陣亡

江夏縣百甲徐大才咸豐五年七月二十六日在五嶺墩地方督團堵禦被害其族人徐大金同日被戕

江夏縣團首周萬同咸豐五年七月二十六日在上恩里鹽坊保地方督隊禦賊被戕

江夏縣團首權朝直在大楓樹地方權朝琮在紙坊地方均於咸豐五年七月二十七日督團打仗陣亡權朝琮之妻女權劉氏等三口同日投水殉難

江夏縣團首權朝新熊士煥熊士印咸豐五年七

月二十七日在上恩里沙茅堡地方督團抵禦均
各被害權朝珩之母權羅氏率領家屬共五名口
同日投水殉難

漢川縣六品軍功趙澤新咸豐五年隨同官兵克
復縣城七月二十八日在縣屬劉家隔地方剿捕
餘匪陣亡

江夏縣團首胡光銀咸豐五年八月初三日在金
口芙蓉山地方督團禦賊同子胡旺高被執罵賊
不屈遇害

江夏縣團首陳言陶張天中咸豐五年八月初三

日督團禦賊陳言陶在白鶴林地方張天中在水
月庵地方各被害

湖北候補府經縣丞王誥之嫡母賀氏順天府
大興縣人祖籍浙江會稽縣寄寓湖北省城咸豐
二年十二月初四日城陷率家屬僕婢王洪氏等
共二十四名口同日闔門殉難

江夏縣八品軍功張濂咸豐二年隨同武昌府同
知辦理火藥局務十二月初四日城陷同家屬僕
婢張陳氏等二十名口闔門自焚

江夏縣從九品劉意奎之妻節婦易氏向居城內

咸豐二年十二月初四日城陷同家屬婢女劉朝
灯等共計十一名口闔門自縊殉難復被賊焚

江夏縣生員皮洪庚向居城內咸豐二年十二
月初四日城陷同家屬皮會氏等共十三名口闔門
殉難

江夏縣衍聖公齋奏廳職銜靖厚德之妻陳氏向
居城內咸豐二年十二月初四日城陷率領其子
靖華祖等共五名口闔門自縊

江夏縣民謝承澍向居城內咸豐二年十二月初
四日城陷同家屬謝開模等共四名口闔門服毒

殉難

江夏縣民程振暹向居城內咸豐二年十二月初四日城陷被戕其家屬程世炳等五名口同日闔門殉難

江夏縣民毛正清向居城內咸豐二年十二月初四日城陷卽於十一日同家屬毛汪氏等共四名口闔門自焚

江夏縣民詹文道之妻王氏同闔家親屬詹李氏等共八名口於咸豐五年七月二十七日在南鄉轉蓬橋地方投水殉難

江夏縣民戴鍾麟向居城內咸豐二年帶勇查街
十二月初四日城陷率領妻女僕婦戴孫氏等共
六名口闔門自縊

湖北巡撫衙門書吏鄭國墳江夏縣人向居城內
咸豐二年十二月初四日城陷在署辦公被戕其
母鄭張氏率領親屬雇工共四名口同日投水殉
難

湖北藩司衙門書吏金隆泰江夏縣人向居城內
咸豐二年十二月初四日城陷在署辦公遇賊被
害其妻女金李氏等共三口同日自縊殉難

續請

旌卹節年殉難尤烈之官紳士庶疏

七月二十一日

竊查楚北節年陣亡殉難官紳士庶婦女人等前飭
藩司督同武昌府設立節義局行令各屬查報經臣
先後四次奏明在案茲續據節義總局查報各屬
陣亡殉難文武員弁紳民婦女共三千五百三十六
名口由藩司馬秀儒詳請核奏前來臣查惠瑗等
四百七十四名口或臨陣捐軀或見危授命率合門
而就義洵大節之無虧且核與歷奉諭旨準其
奏明請旨分別賜卹之例相符相應繕具事實

清單仰懇

聖恩飭部分別從優議卹

旌表

其餘例應議卹之陣亡兵勇紳民馬占鼇等七百三十二名口因公遇害之王平福等五十六名口例應旌表之遇賊死節紳民婦女胡壽堂等二千二百七十四名口舍生取義先後同情除飭藩司造冊送部外並懇 敕部照例分別議卹議旌以慰忠魂而勵臣節此外尙有未經查辦各起容俟續催趕緊查報另行奏懇 恩施謹會同督臣官文恭摺具奏

補授公安縣典史試用未入流惠瑗陝西長安縣

人奉委帶勇防守省城咸豐二年十二月初四日城陷在中和門城上被戕

都司銜武昌衛守備楊毓林山西渾源州人赴屯坐各州縣催徵錢糧咸豐二年十二月十一日舟次黃岡縣屬遇賊被戕

湖廣督標右營左哨千總儘先守備周大鵬江夏縣人署湖廣督標左營左哨頭司把總效力武舉候補把總有貴係正藍旗滿洲佛爾恭額佐領下人隨前任督臣吳文鎔管帶兵勇剿賊至黃岡縣屬堵城地方紮營咸豐四年正月十五日堵城失

利該員等督勇血戰陣亡

題升襄陽城守營游擊世襲騎都尉陳展鵬恩施
縣人奉調湖南屢立戰功隨前任督臣吳文鎔剿
賊至黃岡縣屬堵城地方紮營咸豐四年正月十
五日堵城失利迎敵陣亡

湖廣督標左營千總世襲恩騎尉陳受桂恩施縣
人咸豐二年十二月初四日城陷在省寓自縊

恩賜文舉人陳起鵬恩施縣人隨兄游擊陳展鵬
任所課讀咸豐二年十二月初四日城陷在省署

自縊

湖廣督標右營右哨三司藍翎經制外委把總陳
萬年江夏縣人咸豐四年正月十五日在黃岡縣
屬堵城地方殺賊陣亡其兄武生陳雲賊上竄省
城經武昌府派守平湖門四年六月初二日城陷
巷戰身受四傷陣亡

前湖北德安營參將宋清魁山西交城縣人親老
請養僑寓德安守候部覆咸豐四年三月初十日
賊圍郡城登陴守禦斃賊數名旋被大股攻陷府
城自縊殉難

署通山縣事卽用知縣陳景雍河南商邱縣人在

任數月屢經血戰旋因大股賊至勇單餉竭咸豐四年三月二十七日在縣屬藕塘地方陣亡

揀發湖北知縣勞輦廣東鶴山縣人奉委派守省城大東門咸豐四年六月初二日城陷殉難

湖廣督標右營經制外委孫國元江夏縣人奉委防守省城望山門咸豐四年六月初二日賊攻賓陽門帶兵堵禦身受矛傷殞命

四川松潘鎮維州右營頭司把總季長珍咸豐六年六月十二日出隊打仗血湧攻心越二十五日在營嘔血身故

署均光營右哨後司把總世襲雲騎尉候補守備
沈悅帶兵防守省城咸豐二年十二月初四日城
陷陣亡

署湖廣督標左營把總經制外委高元魁江夏縣
人派守省城文昌門咸豐二年十二月初四日城
陷在城上手刃數賊力竭陣亡妻張氏同日被戕
署興國州黃額口巡檢王錦元山西介休縣人咸
豐三年九月初三日在州城帶勇防堵力竭遇害
藍翎六品銜免補府經歷湖北補用知縣杜文浩
浙江秀水縣人咸豐三年九月十三日隨前糧道

徐豐玉在田家鎮地方打仗陣亡

湖北德安衛守備王琴堂山東人黃州協分防巴河汛經制外委康定邦江夏縣人均於咸豐四年正月十五日在黃岡縣屬堵城地方打仗陣亡王琴堂籍隸山東何縣該故員並無家屬在楚無憑查詢應請由部飭查聲覆核辦

湖北遠安營經制外委把總姚連升咸豐三年九月十三日帶勇在田家鎮打仗陣亡

黃安縣中和司巡檢陳嘉謨江西峽江縣人咸豐四年三月十五日督勇在縣屬袁家畝地方打仗

陣亡家丁方貴同日打仗被戕

署武昌城守營左哨千總督標藍翎經制外委嚴
興隆江夏縣人奉委帶兵追剿屢立戰功咸豐五
年四月二十六日在省城外卓刀泉地方打仗陣
亡

江夏縣從九品職銜王文起奉委帶勇防守省城
咸豐二年十二月初四日城陷在中和門城上打
仗陣亡子顯堂同日被戕

漢陽縣從九品職員左欵奉軍需局委出城募勇
採辦咸豐二年十二月初四日城陷督勇在火藥

局巷戰陣亡

江夏縣候選從九品李洸沅奉委帶勇防守省城
咸豐二年十二月初四日城陷督勇在中和門城
上堵禦陣亡妻蘇氏並子大綱等六名同日闔
門投湖殉難

江夏縣文童彭於漢奉委帶勇守城咸豐二年十
二月初四日在望山門堵禦被戕

嘉魚縣民人張大忠在魏家塘地方雷從舜在木
屨嶺地方周運均在嘉魚縣署前督帶鄉勇均於
咸豐三年二月二十七日剿賊陣亡

大治縣監生朱舜徽領辦團練咸豐三年十月初二日賊眾擁至督帶戶下保固義勇二百餘名巷戰在司徒堡地方打仗被擒遇害

嘉魚縣廩生楊用賓倡首督團焚燒賊船數隻殺賊無算咸豐四年二月初十日賊水陸齊至縣屬小洲地方該生督勇轉戰三日眾寡不敵力竭陣亡

嘉魚縣民人杜汝明隨同督團勦賊燒船咸豐四年二月初十日在縣屬小洲地方同弟井明鏜戰陣亡弟妻呂氏並孀媳蔡氏二口亦同日自刎殉

難

孝感縣民人王在有充當團首咸豐四年四月十三日在縣屬楊店地方打仗陣亡

當陽縣保正黃義盛隨同生員熊孝珍等帶勇防堵探聞賊由宜昌竄玉泉山咸豐四年四月二十日帶勇查探賊蹤行至大莊寺地方遇賊力戰陣亡

江夏縣民人陳玉堂陳耀祖陳景文均當團首咸豐四年五月二十三日督團在縣屬黃嶺上地方抵禦同日被賊

黃陂縣武生劉定邦充當團首咸豐四年閏七月二十二日督勇在縣屬雙廟地方打仗被害其父章仁亦同日陣亡

黃陂縣生員吳熙載咸豐四年八月初四日督勇在縣屬兩路口地方打仗陣亡

黃陂縣從九品職銜張厚溥在魏家坡地方從九品職銜張仁寬民人王星順在道士店地方均當團首咸豐四年八月初四日督帶團勇打仗陣亡蒲圻縣六品軍功八品職銜賀壽恩投效前湖南提臣塔齊布隨同收復崇陽縣城咸豐四年八月

十四日縣城復陷率勇巷戰力竭陣亡

大冶縣從九品職銜葉長青咸豐四年九月十八日督帶練勇在縣屬黃土堡地方打仗陣亡

通山縣民人陳會朝武生成珠五品軍功盧聯升均於咸豐五年正月二十一日督勇在縣屬板橋地方打仗陣亡

通城縣六品職銜優附生杜若捐資募勇屢立戰功咸豐五年三月十四日督勇在縣屬洞坑地方陣亡

咸甯縣民人金位三充當團佐咸豐五年四月初

八日率團追賊至縣屬古田地方被執賊亡

黃陂縣武生陳惠中咸豐五年五月初六日督勇在縣屬五里墩地方打仗陣亡

嘉魚縣武生萬承涵劉殿華咸豐五年六月二十八日督勇在縣屬東鄉十井鋪地方打仗陣亡

江夏縣九品軍功許文達在李家橋地方文童張敏釗在八分山地方耆民石起海危原綬在鹽坊堡地方周宏仁在十字堡地方保正王文煥在胡家橋地方均係充當團首於咸豐五年七月二十六日督團禦賊被賊王文煥之父仰高妻蔡氏等

三名口同日投水殉難

江夏縣耆民張本善在修賢三里地方王德修在十字嶺地方均當團首於咸豐五年七月二十七日督團打仗被戕

江夏縣民人楊國芳充當團首咸豐五年七月二十七日督團在石嶺地方打仗陣亡楊國芳之子楊天賜等五人均以團勇打仗陣亡並家屬三名口同日殉難經臣於三月二十七日奏請優卹該民楊國芳漏未敘入合併陳明

江夏縣民人謝廷玉宋光前葉士楨徐朝鄰徐家

謙均在十字堡地方林光祖在紙坊地方余起祥
趙才元吳永光梅起秀在沙茅堡地方姚正有同
弟正玉正辛在豹子山地方朱衍相在八分山地
方羅世瀧周之高在張公渡地方均充團首五年
七月二十七日督團殺賊力竭被賊徐朝鄰之女
大姑等三口梅起秀之妻吳氏同日殉難

江夏縣從九品江寶臣咸豐五年七月二十七日
在李家橋地方隨隊打仗陣亡妻徐氏同日自縊
江夏縣民人方正新在龍行嶺地方羅仁鵬在花
山地方均當團首五年七月二十八日督團打仗

陣亡

嘉魚縣貢生徐良楨咸豐四年團練屢次禦賊嗣於五年八月二十三日賊竄縣屬五里牌地方督團抵敵殺賊三名賊眾兜圍被執不屈罵賊戕亡五品軍功李恆本之妹烈女奉貞河南唐縣人頗嫻武畧隨兄募勇來楚赴臬司李孟羣軍營咸豐六年二月十三日代兄督隊攻漢陽西門橋卡已逼城根賊左右抄襲圍裹手刃數賊突被一賊從後用矛刺傷遂拔劍自刎屍遭齣割

咸甯縣六品軍功武生呂調元咸豐六年二月二

十日在縣屬柏墩地方充當局長探聞賊撲縣城
同子國鉉督勇迎敵均被擒害

咸甯縣六品軍功江朝海咸豐六年四月初一日
賊眾圍攻縣城督勇隨同縣官開城拒敵在縣城
外打仗陣亡

咸甯縣民人王炳南充當團佐咸豐六年六月二
十五日督團在縣屬坳白塘地方打仗被擒不屈
遇害

前任浙江麗水縣縣丞議敘鹽提舉汪大瑛漢陽
縣人奉委帶勇在保安門堵禦咸豐二年十二月

初四日城陷在寶武局地方被賊支解而亡家屬
高氏等八名口同日殉難

孝感縣民人左方浩奉文團練咸豐四年二月二
十一日督勇在左家店隨同官兵出隊殺賊多名
中鎗陣亡

孝感縣民人石堪顯咸豐四年三月三十日帶勇
在高家衝地方打仗陣亡

咸甯縣生員王世臣充當團總咸豐四年四月十
五日帶勇在縣屬同安社地方被戕

孝感縣八品銜石文炳奉文辦團捐資練勇迭次

督勇打仗出力咸豐五年三月二十二日賊由楊店一帶上竄帶勇追剿至黃陂縣屬巴石會地方與賊對敵殺賊十餘名左腿受鎗傷二處憤極吐血殞命

孝感縣議敘入品沈用禮集資募勇往德安大營助剿咸豐五年九月十一日督勇在府屬八里岔地方打仗陣亡

孝感縣文童沈熙平沈平邦沈平政楊揆禮武童沈用煜沈用祺楊敏中民人劉光燦楊師呂沈時泰沈升平夏相烈夏相勲楊昂中賊竄德安府城

均各捐資募勇親身管帶咸豐五年九月十一日
在德安府屬八里岔地方打仗陣亡

孝感縣民人黃光緒帶領會勇隨同營汛於咸豐
五年十月初四日在李家渡地方與賊力戰被戕
興國州文童王耀三倡首起團咸豐六年八月初
二日在州城殺斃逆匪多名被賊戕亡

江夏縣生員童振紀奉委召募紳勇設局團練派
守中和門咸豐二年十二月初四日城陷率家屬
熊氏共二十七名口同日自縊

江夏縣監生張煥雲奉委帶勇守城咸豐一年十

二月初四日城陷在大東門外率姪世林堵禦被
戕母洪氏等十四名口同日被難

江夏縣藩庫書何載封咸豐二年十二月初四日
城陷在藩署被戕妻汪氏等九名口同日投湖殉
難

武昌縣民人孟文海之妻陳氏向居省城同子孟
廷楨等十一名口又江夏縣民人符際雲等一門
共十名口均於咸豐二年十二月初四日城陷自
縊殉難

江夏縣民人朱衍柏等一門共八名口又王合興

之妻陳氏等一門共十名口均於二年十二月初四日城陷同時投澍殉難

江夏縣民人張開裕等一門共十一名口王宏鈞等一門共五名口均因城陷於咸豐二年十二月初五日自縊殉難

幕友王源直隸萬全縣人寄寓省城因城陷於咸豐二年十二月初五日被戕妻吳氏等共六名口同日投井殉難

江夏縣鹽書陳際清咸豐二年十二月初四日城陷被賊刃傷於初五日同母陳氏等六名口服毒

後閩門自焚

江夏縣民人張鳳颺之妻朱氏因城陷於咸豐二年十二月初八日一門共十三名口服毒殉難

江夏縣從九品職銜張炳煌募勇堵禦咸豐四年六月初二日城陷被戕家屬張煌等十三名同日自縊

江夏縣團勇熊天耀咸豐五年七月二十七日隨團禦賊率子正富等三人同日在下恩里打仗陣亡

江夏縣附生段炳傳奉委募勇派守文昌門咸豐

二年十二月初四日城陷在文昌門禦敵被戕屍
遭賊棄母安氏等十九名口同日自縊殉難

江夏縣人幕友查世熙入軍軍功楊景椿奉委帶
勇稽查咸豐二年十二月初四日城陷查世熙一
門共十二名口楊景椿一門共十七名口自縊殉
難

江夏縣民人張宗淮一門共九名口監生郭道泰
一門共十九名口咸豐二年十二月初四日城陷
均自縊殉難

江夏縣候補從九品王佩之奉委清理戶口盤查

奸宄咸豐四年六月初二日城陷同子世鏞家丁
尹升均被戕害妻楊氏等六名口同日投水殉難
江夏縣候選知縣舉人田際清奉諭團練勸捐巡
查街道咸豐二年十二月初四日城陷自縊殉難
江夏縣從九品職銜李溶奉委帶勇防守火藥局
咸豐二年十二月初四日在火藥局被戕身死
通山縣革生張銘奉委辦團捐製火器屢次建功
復回本縣集勇以爲內應咸豐四年三月二十六
日在通山縣爲賊所擒不屈遇害

通山縣文童樂文秩咸豐五年正月二十三日在

縣城總團被執罵賊不屈剖腹副心而亡

江夏縣在籍前河南候補州判舒志謙奉派帶勇
看守火藥局咸豐二年十二月初四日城陷在局
抵禦被戕母吳氏等二口同日殉難

武昌縣文童孟廷梅寄居省城咸豐二年十二
月初四日城陷一門六名口又江夏縣民人劉世俊
之妻杜氏一門六名口均同日自縊殉難

江夏縣民人王文漣於咸豐四年六月初二日城
陷被戕妻張氏等六名口同日自縊

江夏縣民人范忠富之妻許氏咸豐五年七月二

十七日在下恩里地方同弟婦李氏等一門六名
口被戕投水殉難

江夏縣民人盛有武之妻姜氏咸豐五年七月二
十八日在盛家畝地方同弟婦尹氏等一門六名
口又江夏縣王宗貴之妻胡氏等一門七名口同
日被戕

武昌府陰陽學吳世源江夏縣人咸豐二年十二
月初四日城陷一門其六名口又江夏縣民人靖
厚魁一門其七名口同日自縊又江夏縣民人朱
衍柏一門其六名口又江夏縣職員朱博江之妻

王氏一門其七名口同日服毒身死又江夏縣民人游世祥之妻程氏一門其七名口同日自縊

江夏縣團勇劉大富咸豐五年七月二十七日在縣屬豹子山地方打仗陣亡妻蔡氏並子姪等一門五名口同日被戕又江夏縣團勇王啟松同弟啟富咸豐五年七月二十七日在沙茅堡地方打仗陣亡妻吳氏並子姪等五名口同日投水殉難江夏縣民人楊開堃咸豐二年十二月初四日城陷同母余氏等共七名口服毒後闔門自焚

胡文忠公遺集卷四十四終